

**AK  
HAVE  
YOUR  
SAY**

Puka Whakarāpopototanga

## He whakarāpopototanga o ō whakahoki kōrero e hiahiatia ana e mātou

**Auckland  
Council**  
Te Kaunihera o Tāmaki Makaurau



### **E KIMI ANA I TE WHĀRITE TIKA KI TE WHAKARAUORA**

He tino hohoro te whakawhanaketanga me te panonitanga o Tāmaki Makaurau. Tērā ngā mātātaki tino nunui e arohia ana e tātou e hāngai pū ana ki te hurihanga o te āhuarangi me te tāhawahawatanga o tō tātou taiao Māori. Kei a mātou te pīkauranga ki te āta tiaki i ngā kainoho katoa o Tāmaki Makaurau me te mātua whakarite kua tōtika tā mātou whakarato rawa, ratonga anō hoki. Nā konā me piki ake te nui o te moni e whakapau ana mātou ki ngā matea o Tāmaki Makaurau. Ko ngā ia mātuatua e whakapiki ake ana i ēnei matea ko ēnei:

- Tōna whakawhanaketanga hohoro
- Te panonitanga o ngā matea hapori
- Ngā tonono ikiiki
- Te tiaki i ā tātou rawa
- Te urupare ki te hurihanga o te āhuarangi
- Te tautoko i te whakarauoratanga

He ahakoa he tino whai tikanga ki te urupare ki ngā mātātaki kua oti te whakatakoto mai nei, he iti tonu tō mātou āhei pūtea ki te urupare. Ko ngā āhuatanga mātuatua e here ana i tō mātou āhei ki te whakapiki ake i te nui o te pūtea hei whakapau mā mātou ko ēnei:

- Ngā pānga o te MATE KOWHEORI-19 ki te whiwhinga pūtea
- Ngā paihere o te wā nei
- Te haepapa kia mau tonu tā mātou mino pūtea ki ngā taumata takohanga, me te whakarato āhei ki te urupare ki ngā mātātaki o anamata
- Te whai whakaaro ki ngā pānga katoa ki te oranga o tō tātou Hapori.

# TĀ MĀTOU URUPARE MAROHI

**Take mātuatua 1:** He mōkī mō te whakangao pūtea ki ngā hanganga e \$31 piriona te wāriu hei āwhina ki te whakarato tonu i ngā ratonga tino whakahirahira, ka mutu, ka tino nui anō hoki te pūtea e whakangaoitia ana hei whakahōu rawa, katoa katoa he mea tautoko nā:

- te \$90 miriona o ngā moni whakaputu
- te \$70 miriona o te whāinga rawa hangarua mō te 3 tau te haere ake nei
- Te whakapikinga ake o te āhei o te kaunihera ki te mino moni mō te pae tata
- Tētahi whakapikinga ake o ngā reti mā te 5 ōrau mō te wā kotahi.

## ĒTAHI ATU MAROHI NŌ TE MŌKĪ \$31 PIRIONA MŌ TE WHAKANGAO KI NGĀ RAWA:

**Take mātuatua 2:** Ngā kaupapa hei whakaheke i te nui o te tukunga o ngā haurehu kati mahana me te urutau anō hoki ki ngā pānga o te hurihanga o te āhuarangi.

**Take mātuatua 3:** Tētahi rautaki e tino arotahi atu ana ki te whakarato hanganga me te taunaki anō hoki i te whakawhanaketanga.

**Take mātuatua 4:** Te hōpara i ngā huarahi e taea ai ngā ratonga ā-hapori e pai ake ai te whakaratonga o aua ratonga ki ngā hapori kanorau e panoni haere ana.

**Take mātuatua 5:** Whakaroatia te Natural Environment Targeted Rate nō te tau 2028 ki te tau 2031, me te whakaroa anō hoki i te Rēti matawhāiti mō te whakapiki i te kounga o te Wai kia koke whakamua tonu ai, me te tiaki me te whakapai ake i tō tātou taiao.

Kua marohitia ētahi atu whakaaro e panoni ai pea i te nui o ngā reti e utua ana e ia whare, e ia whare.

E rangona ai ōu whakaaro ki ēnei take, ki ētahi take anō e tino whai tikanga ana ki a koe, tēnā, kia whai wāhi mai koe:

### Ngā ara ki te kōrero mai

- Mā runga ipurangi ki [akhaveyoursay.nz/recoverybudget](https://www.akhaveyoursay.nz/recoverybudget)
- Ki ngā kaupapa
- Kōtuhi Pāpori – whakamahia #akhaveyoursay i runga i Pukamata, i a Paeāhua me Tīhau
- Īmera mai ki [akhaveyoursay@aucklandcouncil.govt.nz](mailto:akhaveyoursay@aucklandcouncil.govt.nz)
- Whakakīngia tētahi puka tāpaetanga (matawaitia/mērāhia, tukuna rānei mā te pouaka tāpaetanga Whare Pukapuka)
- Waeahia 09 301 0101 mō te roanga ake o ngā kōrero.